

L'AN NÒU 2011...

Touto la chourmo dóu journau *Prouvènço aro* vous souvèton uno bono annado, bèn granado ...

Pajo 1



Prouvènço aro

Janvié 2011

n° 262

2,10 €

Espèr 2011

L'an passa, la Vau d'Aran em' uno pouplacioun d'aperaquí 7 500 abitant a òuficialisa la reconeissènço de la lengo d'oc e, aro, li deputa de Catalogno van pousqué, au Parlamen èuropen, defendre nosto lengo, la de 15.007.500 de persouno dis Estat espanyòu, francés e italian.

L'an passa, la provo fuguè facho que l'article 75-1 de la Coustitucioun, aquèu que fai di lengo regiounalo un patrimòni de la Franço, èro rèn qu'un article decouratièu que serviré en rèn. Es la Court de Justico de Nanci que jujè lou 28 d'òutobre que li dispousicioun d'aquel article soun pas au nombre d'aquéli que garantisson de drech e libèrtat. Acò quouro uno assouciacioun alsaciano se venguè plagne que l'Educatioun naciounalo vouguèsse durbi uno classo bilengo dins un licèu. La Franço toulièro li lengo regiounalo sènso ges de dre.

L'an passa tambèn, mai es en plen dins nosto atualita, n'en diren pas gaire mai, lou Tribunalu amenistratièu de Mount-Peliè a coundana lou Maire de Vilo-Novo de Magalouno à leva li panèu de signalisacioun en lengo d'oc d'en dessotto d'aquéli en francés.

L'an passa, touto la clico menisterialo, Menistre de la Culturo en tèsto, nous an dich e redi que lou gouvèr vesié pas l'interès de faire vouta uno lèi pèr baia uno meno d'estatut i lengo regiounalo, lou bèl article 75-1 de la Coustitucioun bastavo pèr acò. Ço que contro-dison pamens li decisioun de justico de Nanci e de Mount-Peliè.

L'an passa, quàsi en fin d'annado, fin finalo, es dos proupousicioun de lèi que fuguèron depausado sus lou burèu de l'Assemblado naciounalo, uno en mounto-davalou dóu deputa UMP di Costo d'Armor, Marc Le Fur e uno outro d'Armand Jung, lou deputa PS d'Estrasbourg, lou que presidavo lou groupe d'estudi sus li lengo regiounalo à l'Assemblado naciounalo.

Aquest an, avèn la provo que li lengo regiounalo de Franço an besoun d'uno lèi pèr assegura soun eisistènci, sara, pèr nous autre, la grando batèsto de mena en 2011.

Article 1 de la proupousicioun de lèi : L'Estat, li Couleitveta territourialo e sis establiment publi soun dins si doumaine respètièu de coumpètènci, garant de la sauvo-gardo di lengo regiounalo, elemen dóu patrimòni de la Franço. Uno poultico ativo de proumoucioun d'aquéli lengo es meso en obro pèr li poudè publi. La participacioun à n-aquelo poultico s'impauso i serviçe publi councerni.

I'a de pan sus la cledo dóu bèl an 2011.

Bernat Giély

Li panèu soun resta !



Panèu nostre

Tóuti à la manifesta-
cioun de Vilo-Novo-de-
Magalouno

Pajo 2

Regioun

Arvèi Guerrera,
Counseié regiounau
de Prouvènço...

Pajo 6

Despartido

Lou Majourau Andrièu
Compan nous a quita
lou mes passa.

Pajo 9

Pastouralo 2011

Pastouralo Maurel:

L'Effort Artistique de z-Ais presentara sa pastouralo Maurel: - Lou dimenche 9 de janvié à 3 ouro à Egulles. - Lou dimenche 16 de janvié à 2 ouro 30 à La Roque d'Anthéron. - Lou dimenche 23 de janvié à 3 ouro au tiatre du Jeu de Paume à-z-Ais.

Pastouralo Sidòni,

d'Elie Vidal - Vaqui li dato de representacioun de nosto pastouralo "Sidòni" que sara jogado tout de long dóu mes de janvié 2011.

- Dimenche 2 de janvié à 2 ouro 30 à Bedoin, salo dóu Centre Culturel ourganisa pèr la coumessioun coumunalo *Culture et Patrimoine*,
- Dimenche 9 de janvié à 2 ouro 30 à Vaurias, salo dóu Vignarès pèr *Parlaren Vaurias*,
- Dimenche 16 de janvié à 2 ouro 30 à Perno li Font, salo dis Augustin pèr l'assouciacioun Les enfants du milieu du monde,
- Dimenche 23 de janvié à 2 ouro 30 en Avignon, salo Benoit XII pèr *Parlaren País d'Avignon*,
- Dimenche 30 de janvié à 2 ouro 30 à Malemort de la Coumat, salo di Fèsto pèr l'assouciacioun Calvias.

Pèr se faire marca: li *pastouralié de Mazan*, Gile Calamel e *Li Gènt dóu Brès* - 04.90.69.74.10.

Alau, pastouralo Maurel : li 9, 15, 16, 22, 23 e 29 de janvié 2011, lou Tiatre dóu Terraire d'Alau presènto la Pastouralo Maurel à l'Espaci Olive au Lougis Nòu à 2 ouro 30, (i'a de plaço pèr metre la veituro). Reservacioun e es counseia de se faire marca (10 èuro pèr li adulte, 5 èuro pèr li pichot) à l'Oustau d'ou Tourisme, Plaço di Moulin en Alau, 04.91.10.49.20.